



LOMADEI ENA VUKUI KARISITO GA



“Me'u kilai koya, kei na
kaukauwa ni nona tucake
tale mai na mate, ka me
keirau veitokani vata kaya
ena ka rarawa, me'u
vakatauvatani kaya ena
nona mate; de'u yacova
beka na tucake tale mai
na mate”

Filipai 3:10, 11





Era sa kila na kai Filipai na gaunasala ni vakabulai, me vaka na nodrau a tukuna vakamatata ko Paula kei Sailasa vua e dua na imatai ni lotu va Karisito ena koro oya: na I vakatawa ni valeniveivesut (Caka 16:30-31).

Ia qo ni sa dei na I soqosoqo lotu, sa qai leqataki de ra lako sese mai na sala ni bula.


Oqo na vuna, e vakananumi ira kina ko Paula ena vei yavu ka duru ni vakabulai ena vuku ni vakabauta.

➡ So na tikina mo kua kina ni vakayalia nomu vakabulai:

- ◆ Na veika mo qaqarauni kina (Filipai 3:1-3)**
- ◆ Na veika ena biu tu mai (Filipai 3:4-6)**
- ◆ Na ka bibi (Filipai 3:7-8)**

➡ Na veika mo tiko ga kina ena bula:

- ◆ Na vakabauta nei Karisito (Filipai 3:9)**
- ◆ Kilai Karisito (Filipai 3:10-16)**




ESO NA VEIKITIKINA MO
KAKUA KINA NI VAKAYALIA
NA NOMU VAKABULAI

NA VEIKA MO QAQARAUNI KINA

“Dou qarauni kemudou vinaka mai na koli, dou qarauni kemudou maivei ira era sa daucaka ca, dou qarauni kemudou mai vei ira na cili” (Filipai 3:2)

Ni bera ni wasea na veika rere - vaki ka rawa ni vakarusa na vaka - bauta, sa solia o Paula e so nai vakasala: “Dou reki ena Turaga” (Fpai. 3:1a). E kuria ena dua na ka bibi: me da vakayacora tikoga na dina eda sa tu vinaka kina, dina ga eda sa kila vinaka (Fpai. 3:1b).

Eda reki vakacava vua na Turaga?



Rawata na yaloloma ni Kalou (Same 31:7)

Laiva vua na nomu vakabauta (Same 5:11)

Rawata na kalougata ni veivakabulai (Same 9:14)

Maroroya na vunau ni Kalou (Same 119:14; Ais. 58:13, 14)

Vakabauta na Nona Vosa (Same 119:162)

Susuga na gone e na I tovo ni Kalou (Vbale. 23:24, 25)



Paula e vakaraitaka ni leqa rerevaki duadua ka sotava tiko nai soqosoqo lotu ena gauna ko ya sai ira na: vakavuvuli vakailasu ka ra vakatavuvuli taka vakuakuawa na muri ni lawa ni lotu (Fpai. 3:2). E cavuti ira me ra: koli (Same 22:16; 2 Pit. 2:21-22); daucaka ca; dau vakacacana na yago (ena cili).



NA VEIKA ENA BIU TU MAI

"Au a cilivi enai kawalu ni siga, au a sucu me luvei Isireli, mai na yavusa i Penijamini, oi au na Iperiu mai vei ira na Iperiu, ena ka ni vunau au a Farisi" (Filipai 3:5)

Ena matabose e Jerusalemi, e a lewai kina me ra kakua ni vakaleqai na kai matanitutani ena veika e baleti ira ga na lotu vaka Jlu (Cakacaka 15:19-21). Ia, ka so vei ira na I vakavuvuli, era a lako mai me vakabibitaka na veicili (Filipai 3:2-3).

Ni da raica lesu, o Paula e vakananumi ira na taucoko ni nona bula ena gauna ka ra vosataka tiko ko ira na qasenivuli oqo (Filipai 3:4-6):



**Cilivi ena I ka
8 ni
siga;yalodina
nona I
tubutubu**



**Iperiu ni
Iperiu:
Penijamini
botoboto**




**Veika baleta
na I vunau, e
Farisi**



**Ena vuku ni
lomakatakat
a, au
vakararawat
aka na I
soqosoqo
lotu**



**Sega ni
vakalewai rawa
ena maroroi ni
Vunau**



Ia, e na veika kece koco e kama kina na lomana ni bera ni rau se veikilai kei Jisu. Ia oqo, sa qai kila ni se sega sara ga ni kila na I Vunau (Mt. 5:21-22). Sa qai kila oqo ni o Karisito ga e veivakabulai (Fpai. 3:7).

NA KA BIBI


“Ia na veika kau a taleitaka sa vaka me yali vakadua vei au me noqu kina na Karisito” (Filipai 3:7)

O Paula e vakatauvatana na nona bula oqo kei na bula taumada. Ena dua na yasana e biuta kece kina na nona kilaka taucoko; na veika lagilagi ena muri mai ni sa gonevuli uasivi duadua nei Kamalieli; na nona I solisoli veivakurabuitaki vaka Farisi. Era ka bibi kece.

Ena yasana kadua oqo, na bibi ni nona bula ni rau sa mai sota kei Karisito. Na ka bibi kece sa yaco me benu, baleta e sega na ka me vakatauvatani rawa kei na loloma I Karisito (Fpai 3:7-8).



Na cava tale beka e rawa ni talei cake mai na bula tawamudu e lomalagi ena vuravura vou? Ia, na veika vakavuravura se vakamataboko kina mai na dina oqo. Erau na veisaqasaqa tikoga na veika e laveti me yaga eke kei na veika e bibi vei lomalagi: na I tovo e va-Karisito kei na vakabulai ni yalo.



NA VEITIKINA ESO MO TIKO GA
KINA ENA BULA

A VAKABAUTA NEI KARISITO

"Me keirau kune vata kaya, me kakua ni tu vei au na vakadonui, sa rawa mai na vunau, ko koya ga sa rawa ena vakabauti Karisito, na vakadonui sa mai vua na Kalou ena vuku ni vakabauta" (Filipai 3:9)


O Paula, ka vakadeitaki koya ena nona yalododonu ga e lako tiko ki Tamasiko me kauti ira lesu mai na "lotutani" ki na gaunisala ni bula (Cakacaka 9:1-2). Ia e curumi Tamasiko ni sa vakamalumalumutaki ena ena duatani na yalododonu, na yalododonu ni Kalou: "na vakadonui sa mai vua na Kalou ena vuku ni vakabauti Karisito" (Filipai 3:9).

Me tekivu ena gauna koya, sa sega tale ni vakararavi ena nona yalododonu. Ni sa tawayaga me da vakaravitaka noda vakabulai ki na noda yalododonu (Kalatia 2:16).

E gadreva me "kune vata kei Karisito" (Fpai. 3:9). Cava kena I balebale?



1Koronica 1:30, "tuvata kei Karisito" e okati kina na veika kece ka tiki ni I Tuvatuva ni Veivakabulai, na cadra cake ni noda vuku vakayalo (vu ni vuku), vakadonui ena vuku ni vakabauta (vakadonui) kei na vakarautaki ki lomalagi (vakasavasavataki), ki na lagilagi ena Lesu Vakarua Mai (vu ni bula).



NA KILAI KARISITO

“me’u kilai koya kei na kaukauwa ni n ona tucake tale mai na mate, ka me keirau veitokani vata kaya ena ka rarawa, me’u vakatauvatani kaya kei na nona mate” (Filipai 3:10)



Eda na kilai Karisito vakacava (Filipai 3:10-16)?



Ni da vulica Nona Vosa

Ni liutaki keda na Yalo Tabu

Ni da veitokani vata kei Koya ena ka rarawa

Ni da ciciva tiko ga na cere



Na bula ni lotu va Karisito e vaka na veitaucici. E dodonu me matata vakavinaka ena noda vakasama na cere eda ciciva. Eda sega ni mai tiko ga ka marautaka tiko na bula eke. Eda nuitaka meda yacova na tucaketale mai na mate (Fpai. 3:11).

Me yacova ni yaco mai na gauna ko ya, me da guta “me’u taura dina na ka ka kacivi au kina ko Jisu Karisito” (Fpai. 3:12). O Jisu e rawai au me solia vei au na koro; nai cocovi; a bula vata kei Koya ka sega ni mudu (Ipe. 11:10; Fpai. 3:14; 1Cesa. 4:17).



**“Na inaki levu ka vauci Paula me toso ga ki liu ena dela ni bolebole
kei na dredre sa dodonu me liutaki ira tiko na daucakacaka i
Karisito me ra sorovaki ira vakaoti ena vei qaravi vua na Kalou. Na
idre mai vuravura ena ena takoso e matana me kaliraka laivi nona
vakanananu mai vua nai Vakabula, ia me kakavaki tikoga ki na
veika sa tu mai liu ka ciciva vakadodonu na cere, ka vakaraitaka ki
vuravura, ki vei ira na agilosu, ka vakakina ki vei ira na tamata ni
inuini ni nona raica na mata ni Kalou sa yaga kina na igu kecega
kei na veisorovaki ka veiganiti kei na inuini oqo.
Na tisaipeli lailai duadua nei Karisito ena yaco me lewe ni vanua
mai lomalagi, ai votavota ni Kalou ena ivotavota ka sega ni vuca
rawa.”**